



Պարույր Սևակ

Թե տխրում եմ կյանքում

Թե տխրում եմ կյանքում՝ քեզ համար է միայն,
Քո կարոտից են դեռ կոպերն իմ թրթրոտում,
Դու՝ երեկվա՛ իմ սեր, դու հեռավո՛ր իմ այն,
Որ գալիս ես հաճախ, ճերմակ թղթին թառում:
Քո թանկ անվան համար դեռ շրթներս են դողում,
Ու շրշյունը շորիդ հետևում է դեռ ինձ,
Եվ իմ ասվա՛ծ-չասվա՛ծ յուրաքանչյուր տողում
Մի ալիք է մնում քո տաք շշուկներից:
Բախտի նման՝ հեռվից դու իշխում ես վրաս,
Բախտի նման՝ գտած ու գուր ձեռքից գցած,
Գուցե արդեն գտած ուրիշ բախտ ու երազ,
Ուրիշի հետ գուցե նույնիսկ երջանկացած...
Ու տխրում եմ եթե՛ քեզ համա՞ր չէ միթե:
Ախ, թե ծամո՛վ-համո՛վ նույն աղջիկը մնար,
Որ խելքահան ժպտալ, բայց և շիկնել գիտեր,
Որ աղջի՛կ էր այնպես, այնպես կի՛ն չէր, բնա՛վ:
Այն աղջիկը մնար, որ ինձ երգեր տվեց,
Եվ նույն առո՛ւն մնար, և նույն գարո՛ւնն անբիծ,
Երբ մեր հանդիպումը այնքա՛ն երկար տևեց,
Որ հորդ անձրև տեղաց գարնանային ամպից:
Տեղաց վարար անձրև, երկինքն ասես փլվեց,-

Դու հիշո՞ւմ ես արդյոք, իմ հեռավո՛ր, իմ լա՛վ,-
Հանկարծ, մեր աչքի դեմ, առուն... խելագարվեց՝
Առուն կորցրեց իրեն - հին ավերից ելավ:
...Առուն խելագարվեց՝ ավից ելավ առուն -
Ուրի՛շ ավեր գտավ քո հունն իրեն համար...
Թե քար տխրությունն է իմ աչքերին թառում,
Թե թախծում եմ հաճախ՝ միայն դրա՛ համար:

06.I.1947թ 13-14.III.1956թ.

Երևան Մոսկվա